



## PENGENALAN

- Gerakan Desa Wawasan adalah satu usaha yang **digembelngkan** dengan **memberi tumpuan** khususnya kearah pembangunan sesebuah kampung atau desa dengan matlamat menjadikannya **maju, menarik dan menguntungkan** sejajar dengan Falsafah **Pembangunan Luar Bandar**.



## KONSEP

- Gerakan Desa Wawasan ialah proses peningkatan pengupayaan yang boleh membangkitkan kesedaran dan **pembangunan sikap** penduduk desa ke arah transformasi kedua luar bandar. Gerakan ini menekankan kepada **penglibatan** penduduk desa itu sendiri dalam proses perancangan program pembangunan ke arah menjadikan desa lebih maju, menarik dan menguntungkan. Perencanaan program dibuat secara tersusun dan berterusan.



APB 981304  
M 307.141209595  
GER  
NASKHAH PEMELIHARAAN  
PERPUSTAKAAN NEGARA MALAYSIA  
27 APR 2000





## MATLAMAT

- Mewujudkan masyarakat desa yang berdaya tahan, berinisiatif, berdikari, berilmu dan memiliki disiplin kerja yang tinggi, sesuai untuk pemodenan desa.



## ASAS GERAKAN DESA WAWASAN

- Penglibatan aktif masyarakat dalam proses pembangunan desa. Gerakan ini berteraskan kepada **sistem kerja dari peringkat bawah ke atas** dimana masyarakat setempat bergerak secara proaktif untuk mengubah dan menentukan bentuk dan arah tujuan pembangunan kampung mereka. Program dan aktiviti Gerakan Desa Wawasan dirancang berpandukan **tujuh inisiatif** bagi memenuhi **tujuh pra-syarat** yang dikemukakan dalam Falsafah dan Strategi Baru Pembangunan Luar Bandar.





## OBJEKTIF

Membentuk semangat berdirikan dan mengikis mentaliti subsidi.

Menarik penglibatan aktif penduduk tempatan dalam pembangunan desa.

Memberi harapan di atas keupayaan penduduk desa untuk membentuk generasi kedua yang cemerlang.

Mengubah paradigma berhubung dengan pemilikan tanah untuk memudahkan proses percantuman tanah.

Mempertingkatkan keupayaan penduduk desa untuk membentuk senario desa 2020.

Mempertingkatkan kemahiran pengupayaan (empowerment).

Mempertingkatkan kemahiran untuk membentuk dan melaksanakan pelan tindakan desa.



## STRATEGI GERAKAN DESA WAWASAN

- Untuk mencapai matlamat menjadikan kawasan luar bandar MAJU, MENARIK dan MENGUNTUNGAN strategi yang dipakai ialah strategi korporat dan strategi operasi.





## STRATEGI KORPORAT



- Pendekatan komersil yang menuntut pulangan ekonomi yang maksima. Strategi ini menguntungkan hasil dan akauntabiliti dan penekanan kepada perkara-perkara berikut:
  - i. Sistem dan struktur yang mantap.
  - ii. Pendekatan bersepadu dari Sektor Awam, Swasta, Badan-Badan Bukan Kerajaan dan Kumpulan Sasar.
  - iii. Penekanan kepada sikap, kemahiran dan pengetahuan (Attitude, skill & knowledge).
  - iv. Penglibatan dari semua golongan masyarakat.
  - v. Gerakan yang berterusan (merancang, melaksana, bertindak dan menilai).
  - vi. Memantapkan institusi sosial tempatan terutama sekali Jawatankuasa Keselamatan Kampung (JKKK) dan pertubuhan koperasi.
- Penerapan strategi korporat dalam Gerakan Desa Wawasan akan memastikan setiap program dan aktiviti yang dibuat memperoleh kekesan terhadap kumpulan sasaran seperti yang dirancangkan.



## STRATEGI OPERASI

- Matlamat operasi Gerakan Desa Wawasan sehingga tahun 2000 ialah untuk melibatkan 3000 kampung. Setiap tahun, sebanyak 642 kampung akan mengambil bahagian. Jenis-jenis kampung yang akan diberi perhatian ialah:

i. Satu kawasan Dewan Undangan Negeri dibawah pengawasan KEMAS	482 buah
ii. Kawasan Lembaga Kemajuan Tanah Kampung <ul style="list-style-type: none"> <li>⊕ FELCRA - 20 kampung</li> <li>⊕ RISDA - 30 kampung</li> </ul>	50 buah
iii. Kawasan Lembaga Kemajuan Wilayah Kampung <ul style="list-style-type: none"> <li>⊕ KEJORA - 10 kampung</li> <li>⊕ KESEDAR - 10 kampung</li> <li>⊕ DARA - 10 kampung</li> <li>⊕ PERDA - 10 kampung</li> <li>⊕ KETENGAH - 10 kampung</li> <li>⊕ KEDA - 10 kampung</li> <li>⊕ Lembaga Kemajuan Wilayah Jenaka - 10 kampung</li> </ul>	70 buah
iv. Kampung Termiskin	40 buah
<b>Jumlah</b>	<b>642 buah</b>





## PIAGAM GERAKAN DESA WAWASAN

### KETERANGAN

Gerakan Desa Wawasan adalah usaha yang tersusun yang dibuat berterusan untuk menukar sikap penduduk desa dari budaya pertanian tradisional kepada amalan nilai hidup pertanian komersil serta perindustrian moden. Untuk menentukan aktiviti Gerakan Desa Wawasan di seluruh negara mempunyai arah tuju yang selaras, maka Piagam Gerakan Desa Wawasan telah dibentuk. Prinsip-prinsip yang memenuhi Piagam diolah berpandukan matlamat, pra-syarat dan tujuh inisiatif Falsafah dan Strategi Baru Pembangunan Luar Bandar. Piagam ini mementingkan usaha penduduk desa menggilap potensi kecemerlangan mereka serta memperkukuhkan daya inisiatif untuk menjadikan kawasan desa satu kawasan yang lebih MAJU, MENARIK dan MENGUNTUNGAN.



## PIAGAM DESA WAWASAN

- MENYEDARI** – Dunia terus mengalami perubahan yang pesat dan Negara Malaysia terus bergerak maju menjelang 2020.
- MEMAHAMI** – Bahawa masyarakat desa harus berusaha melengkapkan diri bagi menyertai arus perdana pembangunan negara.
- MEYAKINI** – Bahawa desa boleh menjadi lebih maju, menarik dan menguntungkan.

Maka, kami penduduk desa berazam:-

Menjadi insan yang cemerlang.

Membina keluarga yang bahagia.

Melahirkan masyarakat yang harmonis dan bersatupadu.

Mewujudkan desa yang teratur bersih dan indah.

Mengamalkan budaya hidup berteraskan nilai-nilai murni.

Mengerakkan ekonomi desa yang dinamis dan berteknologi.

Menanam keazaman menjadi desa kami sebuah Desa Wawasan.